

Besaleel mac Uri, mhic Hur, do thréibh Iudaibh ;

3 Agus lion mi e le spiorad Dhé, ann an gliocas, agus ann an tuigse, agus ann an eòlas, agus anns gach uile ghnè oibre,

4 A dhealbhadh<sup>a</sup> oibre ealanta, a dh'oibreachadh ann an òr, agus ann an airgiod, agus ann an ùmha,

5 Agus ann an gearradh chloch a chum an ceangal, agus ann an gearradh fiodha, a dh'oibreachadh anns gach uile ghnè oibre.

6 Agus mise, feuch, thug mi feachad maille ris Aholiab mac Ahisamaich do thréibh Dhan ; agus ann an cridhe gach neach a ta glic-chridheach chuir mi gliocas, agus ni iad gach ni a dh'aithn mi dhuit :

7 Paillion a' choi'-thionail, agus aire na fianuis, agus cathair-na-tròcair a ta oirre, agus uile uidheam<sup>b</sup> a' phàilliuin,

8 Agus am bord agus uidheam, agus an coinnleir fìor-ghlan le uidheam uile, agus altair na tùise,

9 Agus altair na h-ìobairt-loisgte le h-uidheam uile, agus an soitheach-ionnlaid agus a chas,

10 Agus éididh<sup>c</sup> na feirbhis, agus éididh naomha air son Aaroin an t-sagairt, agus éididh a chuid mac, gu frithealadh ann an dreuchd an t-sagairt,

11 Agus an oladh-yingaidh, agus tuis chùbhraidh air son an t-sagairt naomha ; a réir nan uile nithe dh'aithn mi dhuit, ni iad.

12 Agus labhair an Tighearna re Maois, ag ràdh,

13 Labhair thusa mar an ceudna re cloinn Israeil, ag ràdh, Gu deimhin coimhididh<sup>d</sup> sibh mo shàbaidean-fa: oir is comhara sin eadar mise agus sibhse, air feadh bhur ginealacha ; chum as gu'm bi fios agaibh gur mise an Tighearna, a naomhaicheas sibh.

14 Coimhididh sibh uime sin an t-fabaid, oir a ta i naomha dhuibh. Efan a thruaillead<sup>e</sup> i, cuirear gu cinnteach gu bàs e ; oir gach neach a ni obair oirre, gearrar an t-anam sin as o mheasg a shluaigh.

15 Sè laithean feudar obair a dheanamh, ach 'san t-seachdamh ta fabaid fhois, naomha do'n Tighearna: gach neach a ni obair air là na fàbaid, cuirear gu cinnteach gu bàs e.

16 Uime sin coimhididh clann Israeil an t-fabaid, a ghleidheadh na fàbaid air feadh an ginealacha, mar choi'-cheangal<sup>f</sup> sìorruidh.

17 Eadar mise agus clann Israeil is comhar' i a chaoidh' ; oir ann an fè laithibh rinn an Tighearna na neamhan agus an talamh, agus air an t-seachdamh là sguir e, agus ghabh e fois.

18 Agus thug e do Mhaois, an uair a sguir e do labhairt ris air sliabh Shinai, da chlàr na fianuis, clàir chloiche, sgrìobhta le meur Dhé.

## C A I B. XXXII.

**A** GUS an uair a chunnaic an sluagh gu'n d'rinn Maois moille ann an teachd a nuas as an t-sliabh, chruinnich iad iad féin gu h-Aaron, agus thubhairt iad ris, Eirich suas, dean

<sup>a</sup> a thùr. <sup>b</sup> airneis. <sup>c</sup> eudach. <sup>d</sup> gleidhidh. <sup>e</sup> a mhi-naomhaicheas.

<sup>f</sup> chunnradh, chùmhènant.